

Tē 13 kî 2002/5/20

2000 nî 5 gòeh 20 chhòng-khan



TOJ
2 Hòe Kì-liām
kap
Tīⁿ Jî-giôk
Bók-su 80 Hòe
Chiok-hok

Chóng-pian-chip
Pian-chip kap Siat-kè
Publisher
hōe

Tēⁿ Si-chong
Koa Khá-lē
Ko-hiông Tâi-gí Lô-má-jî Gián-síp

TOJ Chhut-khan 2 Chiu-nî

Tiuⁿ Hòk-chû Hōe-tiúⁿ

TOJ í-keng chhut-khan 2-nî--lah.

Chit 2-nî lâi, lán Tâi-ôan ê piàn-hòa ū-iáⁿ ū-kàu tōa, bē-su kòe-khì 50-nî ê lóng-chóng. Che put-kóan tī chèng-tī, keng-chè, kun-sū, á-sī kap Au-chiu Liân-bêng, Bí-kok ê koan-hē, lóng chin chheng-chhó thang khòaⁿ--tióh. Keng-kòe pún-thó chèng-tóng ê ōaⁿ-pôaⁿ, kám-kak khah ū Tâi-ôan khì-bī. M-kú, tùi Tâi-ôan pún-thó gí-giân bûn-hòa khiok bô chin chiàⁿ-bīn ê hāu-kó! Hō lán kám-kak sim sng-sng. Ték-piát sī BCT(Bîn-chin-tóng) chip-chèng ê kōan-chhī, tùi Tâi-ôan Bó-gí ê thui-sak bô pí KBT(Kok-bîn-tóng) khah iâⁿ! Ko-hiông chhī chiū pí Tâi-pak chhī khah su chin chē! Che kiám-sī BCT hórⁿ-tēng ka-kī ê kòe-khì, siūⁿ beh kap pát-lâng “tōaⁿ kāng-tiāu”? Beh kā ka-kī ê bó-gí pàng hō chhu--khì? BCT beh kiâⁿ tiong-kan lō-sòaⁿ, chiū-sī kā ka-kī ê lí-sióng kap sêng-lòk hòng-khì? Kiám kóng chin-chiàⁿ tit-tiòh kôan-lī chiū chù-tiāⁿ án-ne? Chhin-chhiūⁿ Tek-kok chok-ka Johann Wolfgang von Goethe (1749~1832) ê chok-phín, Faust, ūi-tiòh hiáng-siū lī-ek sòa chhut-bē lêng-hûn? Úi-tiòh ka-kī ê kôan-lī, kā Tâi-ôan lâng chū-ngór jīn-tông siōng iàu-kín ê Bó-gí tàn tī piⁿ..a? Che kiám sī Tâi-ôan lâng chin-chiàⁿ pi-ai ê khai-sí? Bòk-kòai ū chin-chē lâng kàu chit-má iáu sī kā BCT chèng-kôan kiò-chò Sin Sít-bîn Chèng-kôan! Lán hi-bāng m̄-sī! Lán ē-tàng thé-liōng BCT tú chip-chèng tú--tiòh ê khùn-kéng. M-kóan sī phùi-bīn ê chāi-iá-tóng jiáu-lōan á-sī sè-kài-tek keng-chè soe-thè ê chhiong-kek, lóng hō BCT chèng-hú bô kàu-giâh ê sî-kan kap khùi-lát lâi chò pún-thó gí-bûn ê khang-khòe. Che lóng-sī sū-sít. Lán mā gōan-ì koh tiām-tiām-á tán, koh tán. Lán ñg-bāng Tân Chóng-thóng tī i jīm-kî ê āu pòaⁿ tōaⁿ, ê kā i kēng-sóan ê chi-phiò, bó-gí chèng-chhek, hó-hó-á sit-hiān. Amen!
